

عاطف کمال فهمی

أحاسب مين؟!!

أشعار

الطبعة الأولى فبراير 2018

بطاقة الكتاب

عنوان المؤلف : أحاسب مين
المؤلف : عاطف كمال فهمي
التصنيف : أشعار
رقم الإيداع : 5536 - 2018
عدد الصفحات : 98 صفحة
رقم الإصدار الداخلي: 154
تاريخ الإصدار الداخلي: منتصف فبراير 2018 (الطبعة الأولى)
الإشراف على جمعية تسهيل الطباعة الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



دار
النيل والفرات
للنشر والتوزيع
أسسه الشاعر ناجى عبد المنعم
عام 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
alnilwaalfourat@gmail.com alnilwaalfourat
المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - قمار 304

إهداء

إلي من دافع عن تراب الوطن ونزف دماء الذكية على
ارضها

إلي من زرع الحب في قلبي وكلله بحب الوطن ودافع عنه
عشت تلتمس النور بقلك وضحيت بعينيك في حرب الكرامة
أهديك كلماتي إلي روحك الطاهرة أبي الكريم ،،،

جندي مقاتل برتبة عريف / كمال فهمي
محمد

وكل من سكن الثري من شرفاء الوطن .

الشاعر: عاطف كمال فهمي

يارب حجه

هاخط جنيه على عشره

والملم تسكرة سفري

وادعي المولي بالبشره

يكون الحج من قدري

وازورك يا حبيب روعي

واكل بالقاء نظري

،،،،

والف واطوف ببيت الله

واحني رجلي عند خطاه

وابكي بدمعتي الجاريه

من الحنيه لما اراده

واسعي في صفا ومروه

وارمي ع الشيطان جمره

واطلب منه يشفعلي

،،،،،،،،،،

واصلي ركعتين عنده

وفي الروضه اكون عنده

حبيبي ومسجدك بركات

يا ريت قلبي يتوه عنده

،،،،،،،،،،

وانشد لاله لبيك

نعيم الكل بين ايديك

يا مولانا انا بايديك

وسامحني بحق نبيك

بحبك يا الاله الكون

وفي مكه تكون بشري

،،،،،،،،،،

هاحظ جنیه علی عشره
واللم تسكره سفري
وادعي المولي بالبشره
يكون الحج من قدري
وازورك يا حبيب روي
واكل بالقاء نظري
،،،،،،،،،،،،

صباح الخير على قلبك

صباح الخير على قلبك
على شموخ الشباب عندك
على نضره بنات النيل
وكل الطيبين منك

صباح الخضره والزرعه
وحب الرمل ف القلعه
ومن صلي الصلاه جامعه
وعزز بالجموع جامعك

صباح الفل والياسمين
وبعد دعائي قلت امين
يهدي العاصي على قلبك
ويبقي معاكي ومطاوعك

صباح النور علي ارضك
علي ترابك علي رملك
علي قبر الشهيد فيكي
نزفت عليه في يوم دمك

صباحك عمره ما اتغير
يخلي الكل يتحير
امل عايش كفاح باقي
رضاعه حب من ضرعك

صباح الغند من فكرك
يحارب كل من ضدك
يخلي الوحده في بدنك

تنادى لى مش سامعك

صباحكم امل عشاق بلادى الغالين على قلبى

جمال ربانى

مين فى جمالك يالى بحبك

خُنتَكَ لَمَّا بَعَدْتَ اَنَا عَنْكَ

اصل و مرکز و کمان طیبہ

تسلمي ياللي في حبك عيشه

“ “ “ “ “ “ “ “ “ “ “ “ “ “ “ “

انتي قويه لسه عافيه

قادره تضمی ملیار قلب

ولا يهتمك من الي يعاتبك

اهو شاب بيغلط من الطيشه

“ “

اللي يحبك يسمع قولك

يعزف علي نغمه ارغولك

يغزل علي وترك مع نولك

يحمد ربه علي دي معيشه

“ “

عائش من صغري علي حبك
مش وحدي اللي بيسمع قلبك
قلبك نبضه بيدوي يسمع
حتي اللي بيديه تطنيشه

,,,,,,,,,,,,,,,,,,,,,,,,,,,,,

غايبه عقولنا ليه عن حبك
وانتي يا بلدي جميله بقلبك
لو هارسم حبك للدنيا
محتاج مليون ايد مع ريشه

,,,,,,,,,,,,,,,,,,,,,,,,,,,,,

كل اللي ما حبك يوم نادم
انه نسيكي في يومه القادم
ياللي غرامك ملك الدنيا
مهد حضارتك صنعت عيشه

غنوكي كثير ولاد النيل
مع الموال
لم بكيو ف يوم وهو يوم
وتبكي الارض دم رجال
هيمنه الروح وكل جروح
مع الابطال
يا تبر الجنه ترايك حنه
غني وقال
لو شافو الدم نازل م القلب
يروى رمال
لو عاشو الصبر وقت الحرب
مع الاندال
ما عرفو غير ضمير مجهول
يهد الجيل ورا اجيال

من جيل لجيل نعلم جيل
وصايا الخال
عدوك مين يا ابن النيل
غير اللي قطع الاوصال
صبرك ع الحال
وخلي الصبر ويا حبال
انا م الارض ابن الارض
ارض الحب والاشبال
في الفرقه دمار واحنا منار
عمار يا بلادي انتي في كل الاحوال
الوحده قلوب تشد قلوب
ما فيها محال
دمك يا شهيد بيروي
جنه المتعال

أحاسب مين

وشماعه

نعلق فيها كل جنين

وأرواح الشهيد حايمة

بتسال

على الناس الغاليين

تقول مين اللي صاييني

ومين اللي سامعلي أنين

ومين اللي ساب حقي

ومين اللي عليا حزين

وتبكي الدمعه احفادي

في توهه

وتملا الدلتا والوادي

بحزن دفين

وتسالني احاسب مين

احاسب خطه مضبوطه

اكون في العلم ملفوف

ولا ارهاب مرصدي
وفوق مني يلف يشوف
ولا دعوه لشيخ تايب
بترجع من السماء وتطوف
ولا نفسي
اللي هانت تكون للجبان قطوف
وافوض امري للمولي
واشوف الحزن مالي ألوف
يا دنيا ذنبنا بيكبر
ولا دا غلط في المصفوف
بلاد العزه خانوها قصاد عيني
ونصب في الكماين عدو
مهوش معروف
وطفل لسه وليد يبكي

ومش من الجوع
ولا علي بعاد والديه
ولاكن حنبي الرأس
وضهره اللي انكشف للريح
ما بين شتاء اوصيف
يقول مالو الوطن مخلوف
انا جاي بعد يوم راجل
دي ساعه ف بلدي تسوي ألوف
وهاكبر قبل ما يكبر
في قلبي الخوف
واحاسب كل من قصر
ومن لعدوي لم فسر
وبكره كله يتفسر
واحاسب كل من عادا الوطن

“ “ “ “ “ “ “ “ “ “ “ “ “ “ “ “ “ “ “ “

امسك نفسك

يادي العبس والمفتكس والمفترس

يا هو فلس

ماشي بقلب كبير متين

من القول علي النول

اتهرس

عقلي الكبير صاحي لمين

وضمير مع فكر اتحبس

والخانه يك

والف عك صبح هوس

كان يا مكان ثوره وجنان

ساعه النعس

فرحه عبيطه وسط زيتيه

وكل حيطة بميه جرس

لا علام دا نافع

ولا نافع عاز لشاب يكون درس

بصرخ واقول وقت الكلام

قالو اتخرس

احكي لمين

عاوز عنين مش نعتانين

مش غاويه رقص بدون ملس

يفضل في حلقي الف قول

ولا هو زور

ولا ارض بور ولا اتحرث

ما بين يقين سر ك يعين

يا اللي هويت تفضل ونس

احمي لضهري اللي اتحني

واحمي الحرس واحمي الجرس

ودق فوق الراس هوس

يمكن احس باني مجنون

مسه جنني واتلبس

ولا اندفن
وطلعي ميه عفريت
وروحه بميه نفس
يا هوه فلس
في العقل والتفكير
ولا ف كلامي اللي اتلحس
قسم الونس
تفكير شيطان
نده الادان دقو الجرس
مصر اماته واستحاله
نبقي امه بدون حرس
ولا شعب بدون ملس
ولا نور من غير ونس
ولا عقل ملان فلس

الا. الفلس

““““““

سوق المتاهة انتصب

سوق المتاهة انتصب

رصد القلم آهات

كتب الرجال سلمت

والخوف من الجيات
رفعوا البراقع سوا
وعذبوا الانات
راجل حبيب الوطن
لا معاه ولا دولارات
حتي التراب في الارض
طالع يقولو هات
والفقر كسر النفوس
خلي القاموس في شتات
والابجديه اشتكت
عزفت علي النايات
كم شاب حاله وقف
كم حلم ضاع لبنات
عشان ما سبنا العزيمه

وبحثنا ع المقامات
تاھت عقول الوطن
من لقطه الشاشات
فیه ناس تعلی الوطن
وتتشر البسمات
وناس تعري الوطن
بالکذب والتفاهات
سابو الی ضحی بعمره
ونشرو الی قال هات
وفي البلاهة عطن
وسوسه فی الكلمات
ضن القریب بالعون
الله یكون بالعون
على فکرننا الملعون

ساب الوطن في عون
وبحثنا ع الحسابات
توهة ف علام لم فطن
لم حس سوس العطن
لما نخر في عقل الوطن
خلي العقول بلاهات
صعبان عليا الجدع
عمال يطلع بدع
ينصب بدن كان مات
رد النداء وقت البكي
ولما عرفوا العدا
نصبوله في سوق الهات
ليه توهنا وسط السوق
والصوت صبح بالصوت

طب كنت اعمل قوت
ولا تقولش هات
سوق المروء جبر
كسر القلوب والحجر
في حبه للاوطان
ومهما يعلّي الصوت
تسمع لصوت مضبوط
عشق التراب مقامات

ذكريات تحكي

شافت فله
ظيطه ولمه
عامله هلمه جو الساحة
نادو وقالو
يا سلام سلم

سيبو البقره بتاعت حاحا
هبت شله
فيهم قلّه
تدعي الملا بروح وسماحه
وشاب وشابه
روحهم شابه
حلمو بدنيا تكون مرتاحه
هوبه فيه بمبه
ضربت عملت الساحه مداحه
قامت ثوره
وكانت فيه موامره
من شله عبدو النواحه
شافت قلّه
نبح القله بيسقي بعزيمه رواحه

شالو کراسي
وخطو کراسي
وفضلت فله بعين جراحه
تحكي تفسر
باللي تحصل
على بفره جميله ونطاحه
شافت فله ويا ما تشوف
المعروف دايمًا معروف
واللي بيظلم يا ما يشوف
دنيا عجيبه
غريبه قريبه
في قلب الساحه
،،،،،

الدموع ما نزلأشي

ليه يا تراب الوطن

ما ترتوي بدمي

هاين عليك الضني

ولا ما بتسمي

خانو العيون ع الملا

وبكو عيون امي

قتلو الفرح في البلد
اللي سبق سني
نصبتك صوانين يا شهيد
ومين عاوني
واحد وكان للفرح
والتاني للدمع والنني
مستني ازفك انا
والله مستني
لاكن عروسه الأرض
مش من مقام ابني
عروسته فوق ف السماء
حوريه في الجنه
نادت تراب الوطن
وترابه ما خانني

خاين يا قلب الجبان
ياللي عامل مني
بريء يا صوت الرصاص
من موت ومن دمي
دا اللي عملها جبان
خاين ومتدني
لم شاف رجال الوطن
لو حاربو الجني
رحمه عليك يا شهيد
باب جنتك مفتوح ومستني
،،،،،،

هـ

كل العقوق متهكره
كل الحروف متشفرة
كل الادب تحت الطلب
والفرز شغال في الكري
صهيون يهكر صفحتي
علشان بلاد المفخرة
وحقود يشفر صفحتي

علشان اتوه ف المشوره
وناس كتير غاويه تعب
عاوز الحروف متقشره
ونقول دا مين يا هل تري
يا اهل الحروف السكره
يا اهل الافكار النيره
شوفو العذاب والمسخره
نملا كتب من دمنا
نلاقيها ليه متهكره
فين الرقاب ع الحروف
ولا كمان متشفره
عايزينها حريه وجمال
عايزين حمايه موفره
ابداع يكون من حينا

يا ابن ادم

37

فرحان بنفسك
تنسي ان اصلك ايه
يا تراب وربى مصنعو
تتغر اخدت ايه
هتعود تراب لموضعه
تملك ملكت ايه
دا الملك لله رجعه
عايش طب قد ايه
شوف اللي قبلك ودعو
فرحان بنفسك
عملك روح بص فيه
تتجازي بيه يا عامله
لو كنت عملت خير في دنيته
روح كمله

انت هو انت ايه عبد لربك
والعلوم من منبعه
واصل طب قول لفين الوصل
ربك واصله
توصل للجنه ولا لغيرها
ربك عالمه
فرحان بنفسك
,,,,,,,,,,,,,

مین طفی الشمس

الشمس مطفيه

ولا احنا طافيناها

حاسس بنورها بس

ومش فرحان بروياها

مش كل شمس بتتطفئ

مش كل نور بيختفي

دا الشمس عاليه ماتختفي

لاكن حلاوه شمسنا

ان احنا قيدناها بايدينا

ورد الجنائن

اللي فتح في جناين مصر

مش هايتنسي

قايد شמוש الحريه

لكل وقت وعصر

الشمس ساطعه

حتي لو في الأمس

ما تشوفو نورها

جاي ومش بالعكس

فهمتو ليه نور النهار بالشمس ؟؟؟؟

فهمتو ليه حلم الشباب بالعكس ؟؟؟

فهمتو ليه كل الكلام بالهمس ؟؟؟؟؟

فهمتو ان النفس مش بالنفس ؟؟؟؟؟

فهمتو كل شيء غلط محصلش ؟؟؟؟

دندنه صعيدي

فرحه

دا هوو مالی اعیادی

من الدلتا الى الوادي

يفيض من قلبي لاحفادي

بروح العيد وينادي

على الإزماءان

“ “ “ “ “ “ “ “ “ “ “ “

دا كفى وفاض من اكفافى

دا خارج مني بشفافي

ينادي الخير باعرافى

يخلي قلبي مش جافي

على اللي جفااان

دا في قلبي ورباني

ومزروع زي ابداني

لكل الناس وعرباني

سيول غطت وبأمانى

على الحقدان

“ “ “ “ “ “ “ “ “ “ “ “ “ “

سيول الحب لا تقفي

كثير احزانهم تكفي

يريدو الحب من كفي

رسائل قلبی لا تطفی

بلیل ونهاااار

“ “ “ “ “ “ “ “ “ “ “ “ “

غريبه الدنيا يا احبابي
بتترك ضيف على بابي
يدوق الحب باسبابي
ولو انا دوبت بعذابي
اكون فرحان
،،،،،،،،،،

مجدد

اهداء لرجال الأمن والأمان

خدي ع البعاد اصل البلاد

محتاجه كام راجل

واهو جه ميعادي اسد ديني

واقوم بميه راجل

لازم قوام ابقي هناك ساعه الميعاد

بالامر ف العاجل

,,,,,,,,,,,,,

روحي تهون من غير ظنون

وشايلها على كفي

عمري اللي راح ولا اللي جاي

خدي ع البعاد اصل البلاد
محتاجه كام راجل
واهو جه ميعادي اسد ديني
واقوم بميه راجل
لازم قوام ابقي هناك ساعا
بالامر ف العاجل
,,,,,,,,,,,,,

47

رحایہ مصر

ولا يسأل وعائش ارتع

ف حبك عاشو خلاناااااي

“ “ “ “ “ “ “ “ “ “ “ “ “ “ “ “

تلقى رحايه الدنيا

تصفي الحب يا غاليه

بغير من حب ناس ثانيه

لَقِيتُ الْحُبَّ رَبَانَا اااااااااااااااااااا

“ “ “ “ “ “ “ “ “ “ “ “ “ “ “ “

تعيشي وتطعميني الخير

يا امي يا عاشقه للغير

ومن ارضك نغيب ونطير

ونرجع تاني في ثواناااااااااي

“ “ “ “ “ “ “ “ “ “ “ “ “ “ “ “

رحايتك مصنع الرجاله

يا مصر تدومي بالرجاله

وايدك وکلت رجاله

يا خيرك ياللي سمعانا اااااااااي

“ “ “ “ “ “ “ “ “ “ “ “ “ “ “

بحبك يا بلادي

شفيعي

ما غبت عني
ونورا في محياك
كل الهوي زورا
وعشقي عند رؤياك
كل الهناء زورا
وفرحي حين اهواك
عيوني كلها شوقا
ستبحر حين تلقاك
ساشكو علة القلب
بحب كيف ينساك
ذنوبا كنت احفظها
سامحيها لرؤياك
نسيت الذنب والعاصي

لنورا شع بثراك
فما ابهي لقاء الروح
حبيبي نبضي لذكراك
فلا عندي دموع العين
ولا قلبا لينسأك
ذابت دموعي مع قلبي مع جسدي
فما سمعت مني سوي همسا لنجواك
اه حبيبي ليأتي اموت وف الجنات القاك
،،،،،

مديح

اعيش في كنف اللقاء متيما
والحب منك وانت خير معلما
شفيعنا المختار يا نور التقي
العشق زال وعشقكم هو قائما
الروح تسري ليلها لتراكم
تشم عطر هواك تبقي حائمه
الجسد نام على التراب بنفسه
والروح لن ترجع ستبقي هائمه
اسفي علي عمري الذي امضيته
دون الهوي في حبكم هو مغرما
اسفي علي قلبي الذي قد نبض
يوما دون حبا في هواك مسلما
مددا لحبك يا حبيبي ف الهوي
مددا لحبك اني لا اخشي لحبك لانما

حبيبي حبيبي حبيبي رسول الله

حبيبي حبيبي حبيبي نبي الله

صلو عليه وسلمو

ومن هواه تعلمو

“ “ “ “ “ “ “ “ “ “ “ “ “ “ “ ”

حاله مثل

عندي حاله مثل

واديت نفسي اجازه
وهصفي زهني خالص
للجاي والمحتمل
وهاتابع من بعيد
في كل شيء جديد
مش هابعد عن حبايبي
علشان يفضل امل
مش اسيب قلبي يعافر
ولا هانسي كل نافر
وهادعي للمسافر
يرجع يبدا عمل
مش هانسي يوم بلادي
ولا يوم هانسي الاعادي
علشان تفضل ولادي

مش حاسيين بالملل
يا حب انا مش ناسيك
هاكتب علشان عنيك
انا اصلي عشت بيك
من غيرك هاتعدم
يا ملل مالك ومالي
كنت مخاصمك في حالي
تصالحني ازي حالي
اللي يصاحبك ندم
طيب يا ملل يومين
مش اكثر لو سمحت
وكفايه تكون معين
ع النوم و ع الكسل
علي حالتي معاك كتبت

غجري

أحاسب مين؟! (أشعار) □

بيضه ع الكريم سوده ع اللئيم
واللي ما قراء عندنا اتعلم
نضرب الرمل ونكشف المستور
واللي عادكو يغور
فيه القدر علم
واديني كفك يا بهيه
وارمي بياضك يا صبيه
عناديه ليه عني شقييه
يمكن بكفك نتعلم
سكه سفر وسنين ملايين
وصبرتي ياما على الغاليين
والانبياء ليكي داعيين
بخت اللي ربي عليه سلم
خلفتني كام مليون راجل

فيه ناس كثير عايزه تتاجر
وكله واصلك ف الزاجل
وبرضو ليه غاويه تسلم
شبتى وقلبك ما شايبش
وصباكي عندك ما سافرشي
ليه العقول عنك تمشي
والندل قاعد ومبلم
حاسدين ولادك ع العيشه
قال ايه صفوفهم ع الريشه
ولا عاشو فيكي وشافو عيشه
ولا سمعو قلبك يتألم
شايفه وعينك شوافه
وعلي العروبه خوافه
باولادك انتي صفافه

[illegible]

فاصل وتواصل

البشر عملت تواصل

وانتو بتعلو الفواصل

يا عرب ايه اللي حاصل

بس فين الصبحه كافه

فین عمر عدله یعود

[illegible]

خلي عقلك ف التواصل

شوف بتبقي فين فواصل

غير علي قطعان غنم

او علي اشبال اسود

“ “

يا عرب الوحدہ راجعہ

بس محتاجه لمراجعہ

ننسي فرقه وكل فجعه

والمراجعة تكون صمود

“ “ “ “ “ “ “ “ “ “ “ “ “ “ “ “ “ “ “ “

شوفو فينا كل فرد ويا حد

حبيبتى سامعاني

بنادي تردي وبسمع نداكي
وبسمع انينك وبسمع غناكي
وتبكي عنيا اذا لم تراكي
يا غاليه عليا اليك الغنا،

عشقتك صبيه

عشقها الصبي

ونمتي بعنيا

ولم تذهبي

وشفتك بريه

لربي البري

انا بعشقتك

وي

بكل المني

وانادي وتردي وبسمع نداكي

وبسمع انينك وبسمع غناكي

وتبكي عنيا اذا لم تراكي

يا غاليه عليا اليك الغناء

تضمي ف حضنك

ولادك قوي

وعزمك وبدنك

وجیشک قوي

وكل الاعادي

يخافو قوي

بتطوي الاعادي

ولا تنطوي

وعايشين ف خيرك

حیاتی انا

وانادي وتردي وبسمع نداكي

وبسمع انينك وبسمع غناكي

وتبکی عنیا اذا لم تراکی

يا غاليه عليا ويا ملحمه

“ “ “ “ “ “ “ “ “ “ “ “ “ “ “ “ “ “

تادن جوامع

ترن الكنايس

وذرہ تراکی

لها الف حارس

بکلمہ بحب

تَلْبِي الفوارس

عروبه اصيله

لکل الہی دارس

ولو تصرخي

تصنعي ملحمه

“ “ “ “ “ “ “ “ “ “ “ “ “ “ “

وانادي وتردي وبسمع نداكي

وبسمع انينك وبسمع غناكى

وتبکی عنیا اذا لم تراکی

يا غاليه عليا اليك الغناء

,,,,,,,,,,,,,,,,,,,,,

صدقوه

صدقوووووه

كل عالم حر فينا

صدقوه

ولو نسيب الحكمه منه

راح نتوه



فيه بلاده وفيه شماته
وفيه مغالطه بتبقي ورطه
في اي فرطه خيال مأته
ناس بتشغل في الثواني
الف عقل باي شكل
وكله ماشي
والي ناشيء مش مفكر
اصله من صغره تعكر
من الشاشات
والف شات
والمباشر واللي ناشر
والي بالاخبار دا فاشر
لوثو حتي الغسيل والمناشر
موضه ماشي

سوشي ساشي
واللي ما يقهمش فاشي
واحنا فين العقل زينه
انسي كله وروق يا خينا
حتي كلمه من مسلسل
علموها لطفل مثل
قالها ليا ابني فسر
والقاموس بقي بالفلوس
لما تاه من النفوس
خلص كلامه وتبخر
واستكنيص جوه بيتك
علق الواي فاي في غيطك
غير الاسم ف شهاتك
زيد علي الانترنت صيتك

وانسي حلمك
ليه يغمك مين شهيد
وفين وليد وامتي عيد
ما اهو انت لابس
في الجديد
عيش بليد
في التي في كله صح
وانت بح
صفر مكتوب ع الشمال
بس عيش ابو العيال
والمحال تبقي فاهم
وان فهمت تبقي واهم
تبقي فايز ف السيجال
كل واحد ويا حد

جاهزله ضد يقول محال

ولا دا استهبال

والبهايم هزو روسهم

ع المخاول بالحبال

وصبح عداله

واعتدال

صدقوني وصدقوه

لو نسيب الحكمة منه

راح نتوه

,,,,,,,,,,,,,

الف باء تاء حا

الف باء تاء حا

حلوه الورده بعد نماء

بعد تعبنا ف ارض فضاء

بقيت خضره ونسمه هواء

تحت الضله ماشي الماء

خد من ربك ما بتشاء

خاء جيم ذال دال
على الخير تفضل دائيما دال
تبقي العيشه عال العال
تلقى المر لوحده انشال
زي الغنوه مع موال
ف غيطان الخال
عين غين سين وشين
عمرنا ما انشقينا نصين
فيما الغني ماشي بلموزين
وفيما فقير ماشي برجلين
بس قلوبنا واحده وصادقه
عاشقه وطنا زي الدين
هو دا عشق المصريين
صاد ضاد فا قاف

قالي ابويا اوعي تخاف
لسه في بلدك عمر عجاف
لاكن بعد الضيق الفسحه
قلبك ليه ع الكل رهيف
لينا رب لطيف شواف
كاف راء زين لام
خليك راجل تبقي همام
تسأل عن وطنك ما تلام
خليك زي نسيم الصيف
تفضل طائر ترمي سلام
تتحقق بيك الاحلام
واو يا كل هجاء
يحكي عن وطن النبلاء
يحكي قصه كل بلاء

نسمع كذب نقول كذاب
بلدي عظيمه في الاجواء
ذاكر تنجح الف ياء
كل حروف الدنيا بتشهد
ميم صاد راء
داء لعداها ولاولادها هي دواء

عاشق ترابك

تعبان وشايل حملي على اكتافي
وزي ما انتي شايلاني على اكتافك
انا كسرو مجاديفي وانتي
مين اللي كسر يا حلوه مجدافك
العمر راح مني ولا راجعشي
وانتي لسالكي صبيه وشها مكشوف
زرعت ارضك بدار والزرع ما طلعتشي

ويا حلوه الحلوين

مين فينا ما نفعشي

,,,,,,,,,,,,,

انا اللي شاهد علي دمعك مع خوفك

وانا اللي محني كل يوم بالدم دي كفوفك

ضهري اتحني والعين ما بتشوفك

انا المواطن وانتني دا الوطن والام

لو كنت همك زيحي عنك كل هم وغم

انا راضي عنك لو هادوق السم

بس ارضي انتي وخرجي

بعدي اللي ما طلعتشي

,,,,,,,,,,,,,

كل الحضاره والتاريخ كتبو على جبيني

صابر لاني ليل نهار مفتحه عيني

لا عيوني مره غفلت ولو غفلت يشيلو تكويني
عهدي اللي فات انا فوزت فيه بالسيف
ونصري في ساعة العبور من حب قلب شريف
ومين زرع في ارضنا الفرقه والتخاريف
لو كان علام ياريتو ما يتمر
وان كان عدو يبقي انتي ما فهمتيش

,,,,,,,,,,,,,,,,,,,,,,,,,,,,,

ماشيه بستر المولي ليكي والعدو غدار
حالف يولع نار والف بيصنعو في شرار
لسه الغباء مالي العبا وساكن في كل جدار
سلسال في دمك ولا انا تهت في ترابك
انا راضي ابقى محني علي اعتابك
بس ابقى علمي قبري ودلي احبابك
عاشق وعشقك جبل شيلي اللي ما طالعشي

فتح عينك

واللى عامل ظيطة

واللى بيهدى النفوس
واللى عايز يشتري
كرسى بفلوس
واللى عايش ع الوطن
عاله ومالوش
واللى شتت شملنا
بخيار فاقوس
والفقير الحر
والناس اللصوص
واللى عايزنا
نغير ف النصوص
واللى حوالينا وعايزنا
على الاشواك ندوس
واللى كبرو ف حجرنا

وبعتو التيوس
واللى م البترول
بيفرك ف الفانوس
واللى فاكرونا جياع
ونسى الفوؤس
فتح عينك،،،،،،،،،،
ع العدو
اللى فاكرونى نسيته
اللى فاكرو ان بيتى
هو بيته
واللى عايش وسطنا
وبيروى غيطه
والولاء مش للوطن
او حتى بيته

فتح عينك

ع الصحارى واللى فيها

والجبال اللى عليها

والرمال اللى عاددها

والموارد تايهه فيها

والهرم والنيل وشعبه

كلهم دول تحت عينك

واياك يغمض جفن عينك

فتح عينك

,,,,,,,,,,,,,

الأوبرت الشعبي (قطر الحياه)

مسرح العرائيس

قطر الحياه

قطر الحياه توته

قصه وحدوته

شايل ف قلبه كثير

وحكاوي مضبوطة

بين النهار والليل

دمع الضني بيسيل

زي الفرخ والويل

فى دنيا مخلوطة

شوف العجب الوان

واقع كانه بيان

انسان وجار انسان

فى القلب حدوته

.....

توت توت

يلا بسرعه القطر هايمشي

أنا قولتك قوم ما تنامشي

قبل الزحمه روح الحق كرسي

أنا تعبان فين الواد مرسي

أنا هنا يا ابا حاجلك كرسي

طب قعدني مش قادر امشي

.....

وسع يا عم وسع
عديني أنا مريض
ما تعدي يا عم عدي
اصل الزحام شديد
والبياعين يمشو
وكأن الدنيا عيد
طب حبه بس وسع
أسند على الحديد
دي كان الدنيا عيد

حاجه ساقعه واشرب
روق الأتاني
بوق منها يطرب
تبقي شكل تاني
اديني قوام ازازه

بس تقولي بكام
يمكن تقول بعشره
وانا عارفك بالتمام
خلي عنك يا اخينا
دا المولي اهو فوقينا
معانا ع الدوام
وروق يا ابن جلدي
الروقه مش بكام

حاجه حلوه غمس
بتلاته جنيه يا باشا
وسع يا عم تيرمس
دي احلي م البغاشا
اديني رغيف وزود
في الملح عشان جعان

دي القمه لو ما تعجب
هاتسد جوع جعان
تعجب يا عم مالك
هو احنا مش تمام
مطرح ما يسري يمري
وان انشالله تجوع كمان
ان شالله تجوع كمان

شايه شاي وصايه
بيعدل المزاج
السخن اهوه معايه
يا صاحب المزاج
طب صب يلا حبه
وتقل العيار
دي الدنيا عليا صابه

وف راسي طاحون غبار

صببت لك شد شفته

وادعيلي بالعمار

ومين يشرب زياده

دي الميه ولعه نار

وبجد مش هزار

نمدح النبي

طب سقفه للنبي

تعالا سمعنا

بكلام وله معني

وادعي ربك فوقينا

يجمعنا بالنبي

موال

يا رب حج البيت

يجمع محبينه

وتزور حبيبي النبي

احنا ومريدينه

الله

تستاهل الفكه

ما دام انت مش سكه

دا جمال حبيبي النبي

منور السكه

ومزود الفكه

رجليا تعباني

ريحنا يا دفعه

تعالا خد مكاني

والحسنه دي نافعه

أنا جاي من الخدمه

بغزنها خدمه

تسلم يا روح جيشنا

هو انت من قبلي

صعيدي من دشنا

بسكوت مع السجائر

ومعايه لبان كمان

تروق اللي حاير

في الدنيا والزمان

طب هات أنا اعفر

ممنوع هنا تعفر

القطر بيصفر

وخلص يا حدوته

طب هاتلي بسكوته

يا وابور السكه ال ماشي

ياللي شايطني في الحديد
هتشيل من قبلي لبحري
وترجع بيا لبور سعيد
توصل بسلامه يا غالي
تحفظ بلدي و عيالي
يا شاهد ع اللي جرافي
شاهد والله شهيد
يا مكاني ف يوم العيد

محتوى الكتاب

م	المحتوى	الصفحة
#	بطاقة الكتاب	2

3	اهداء	#
4	يارب حجه	1
8	صباح الخير على قلبك	2
11	جمال ربانى	3
14	تربة جنة	4
17	أحاسب مين	5
22	امسك نفس	6
26	سوق المتاهه اتنصب	7
30	ذكريات تحكى	8
33	الدموع مائزلاش	9
36	هكر	10
38	ياابن آدم	11
41	مين طفى الشمس	12
44	دندنة صعيدى	13

47	مجند	14
50	رحاية مصر	15
53	شفيعى	16
55	مديح	17
57	حالة ملل	18
60	غجرى	19
64	فاصل وتواصل	20
68	حببتي سامعانى	21
72	صدقوه	22
77	ألف باء تاء حا	23
80	عاشق ترايك	24
83	فتح عينيك	25
87	الأوبريت الشعبى قطر الحياه	26
96	محتوى الكتاب	#